«Երկուսով աշխատանքի համար» ծրագիր

«ԿԱՉԱ» շվեյցարական մարդասիրական հիմնադրամը աշխատանք փնտրող անձանց հրավիրում Է մասնակցելու «Երկուսով աշխատանքի համար» ծրագրին։

ԾՐԱԳՐԻ ՆԿԱՐԱԳՐՈͰԹՅՈͰՆ

Ծրագրի նպատակն է կամավորների միջոցով աջակցել աշխատանք փնտրող մասնակիցներին աշխատաշուկա մուտք գործելու և աշխատանքային հմտությունների զարգացման հարցերում։

Ծրագրի շրջանակներում զբաղվածության ոլորտում համապատասխան վերապատրաստում անցած կամավորները աջակցում են ծրագրի մասնակիցներին աշխատանք որոնելու և գտնելու հարցում՝ տրամադրելով նրանց անհրաժեշտ տեղեկություններ թափուր աշխատատեղերի որոնման, դրանց դիմելու կարգի, անհրաժեշտ փաստաթղթերի պատրաստման և այլ թեմաների վերաբերյալ:



ՄԱՍՆԱԿՑՈԻԹՅԱՆ ՊԱՅՄԱՆՆԵՐ

Ծրագրի մասնակիցներ կարող են դառնալ 18-45 տարեկան բոլոր այն անձինք, ովքեր ունեն.

- աշխատելու ցանկություն և փնտրում են աշխատանք,
- այս ծրագրին մասնակցելու ցանկություն, մոտիվացիա,
- աշխատանքի որոնման հմտությունները զարգացնելու կարիք,
- hամակարգչային հմտությունները զարգացնելու կարիք,
- Յայաստանյան աշխատաշուկայի և Յայաստանում աշխատանք գտնելու վերաբերյալ իրազեկվածությունը բարձրացնելու կարիք։



Ծրագրին մասնակցությունն անվճար է, քանի որ այն ֆինանսավորվում է «ԿԱՉԱ» հիմնադրամի (տեղացի մասնակիցներ) և ՄԱԿ-ի փախստականների հարցերով գերագույն հանձնակատարի գրասենյակի (սիրիահայեր, փախստականներ և ապաստան հայցողներ) կողմից։



Ծրագրի տևողությունը 4 ամիս է (մարտից հուլիս)` կախված դեպքի առանձնահատկություններից:

Մասնակիցների ընտրությունը կատարվում է մրցութային հիմքով, երկրորդ փուլ անցած մասնակիցները կհրավիրվեն հարցազրույցի։

Ծրագրին մասնակցելու համար խնդրում ենք գրանցվել մինչև մարտի 7-ը ներառյալ լրացնելով <u>այս հայտը</u> կամ զանգահարելով 010 54 18 44, 077 54 18 44 հեռախոսահամարներով։







